

थेसलोनिकेला वोतुप तेपा कितुपतिवाला पावलकी टिवु यिकी इयिवा दी थेपकी कोर्ला

थेसलोनिकीतिवी चर्चला ख्रीष्ट फेपुप कोर्ला ताम्डे टाम्नोक। ती ताम्डे ति फेलिन गल्नी ते छासे हराड ह्रुड गाल्नोक। च्यिलासिसिन तिवी ख्रीष्ट फेपुप तुजे गोमाला के लेम वे सिनी तेपा किनोक। ती तप्की पावलकी तीकी तेन्दोकला लङ्गुपला दी यिकी इयिवा ति टिवु यिन। पावलकी दी यिकीला ख्रीष्ट फेपुप गोमाला खोकी तेन्दोकला लङ्गुप ताड “ठिमला क्युनी ज्योकुप” छयाकला वोतुप गोमा कितुपतिवा नेसुर मेटेड्बु लाका दुक्टातिवा वुतुड के बडी फरिन डिवी सिनी ठछयेली सिक्या वे।

पावलकी दी यिकी रोकुपतिवाला चो दुक्पा ताड छेटाड ख्येल्सिनाड तेपा रम्बु क्यानी देतुप ताड मिजी क्योङ्गुपला खोर्ड ताड खोरो दाल्जातिवी दोके नरी लाका ल्यामु क्यानी दे गोकिवी सिनी डाडेड बिन वे।

मुला राड वोतुप लोप्च्येनतिवा

यिकीकी कोर्ला १:१-२

सोवा ताड गोड्बा १:३-१२

ख्रीष्ट फेपुप कोर्ला टोङ्गु २:१-१७

ख्रीष्टियानकी च्योलाम ३:१-१५

यिकी टिनी सिन्दा क्यावु ३:१६-१८

पावलकी टसी देलेक

1 टसी देलेक! दी यिकी ति ड पावलकी सिलास ताड तिमोथी मुला राड दाक्पी पपा कोन्छ्योक ताड चोवो येशू ख्रीष्टला तेपा कितुप थेसलोनिकेकी चर्चकी मीतिवाला टिवु यिनो।

2 दाक्पी पपा कोन्छ्योक ताड चोवो येशू ख्रीष्ट नेसुर ख्यिराडला कटिन ताड लोदिमु वुड्शी।

ख्रीष्टकी ठिम क्या नङ्गुप कोर्ला

3 अच्युनपतिवा, खिरा थोक्ला डियराड नरी कोन्छयोकला थुचिछे बुल राड गोकिवी। च्यिलासिसिन खिरा येशूला क्यावु तेपा ति डियमा तक्पा रम्बु डोयी वे। तमा खिरा च्यिककी च्यिकला मड मड डियड्ज्ये साड छासे कियी वे।

4 खिराड चो छेटाड ताड शैतानकी खोक्पा ल्हाप ताम्डेतिवा ख्येल्सिनाड येशूला तेपा रम्बु क्या देतुप ताड हम क्यानी देतुप तक्की डियराड कोन्छयोकला तेपा कितुप चर्चकी मीतिवी पर्ला तेके कियी वे।

5 कोन्छयोककी ख्ये मापेवा क्यानी च्यिक्पा राड ठिम क्या नडिग्वी सिस्स पड्बु छ्या देन्दुपला खिरा तुका छेटाड ताड दुक्पा खुस्स यिन। खिरा तुक क्यानी छेटाड ताड दुक्पा खुर्सिन कोन्छयोककी ग्येल्खापला शुक छयोकिवी। दी ताम्डे ति खिरा हाक्कोवा की।

6 कोन्छयोक ति ठिम टेड्बु क्या नड्गुप कोन्छयोक यिन। खोकी खिराडला छेटाड तेस्पतिवाला छेटाड तेर्किवी।

7 तमा खिराड खोकी थोक्ला दुक्पा खुस्पतिवा ताड डियराडला ति सेम किर्मु नडिग्वी। चोवो येशू देवाच्येन नेमा बस्स मे ताड डार छयेवु ओड वोतुप देवाच्येनकी लेन क्योलुप थुतिवी मुला फेपुप पेला

8 कोन्छयोकला डो माशेवु ताड दाक्पी चोवो येशूकी लेन ल्यामुला तेपा मिकिवु मीतिवाला खोकी पर्च्या तोडिग्वी।

9 तमा ती पर्च्या ड्येतुपतिवा ति चोवो येशूकी मु नेसुर ताड खोकी डार छयेवु ओड वोतुप मोवा नेसुर तेन्नी नरीकी थोक्ला ना तोडिग्वी।

10 चोवो येशू फेपुप तुजेला खोला तेपा कितुपतिवा तेरीकी खोला मोवा कितुप ताड सोवा देकिवी। डियरा पड्बु बिन्दुप ताम्डेला खिरा तेपा क्यावु तक्की ती पेला खिराड साड तिवी मुला राड बुडिग्वी।

11 ती तक्की खिराड ल्यामो क्यानी नासाम तोड। खोकी नोवा नेसुर खिराडला कताड नड्गुप दोके क्यानी मिजी क्योड्गुप ताड खिरा नासाम ताड तेपा नेसुर बुड्गुप तेरी लाका ति खोकी डार नेसुर तेरी डुप्शी सिनी डियराड नरी दाक्पी कोन्छयोकला मोपोर किवी।

12 तुक क्यासिमा दाक्पी कोन्छयोक ताड चोवो येशूकी कटिन नेसुर खिरा खोकी मिडला मोवा कितुप ताड खिराडला साड कोन्छयोक नेमा बुड्गुप च्यम्बा ड्येकिवी।

2

दुक्टाकी गिपाकी कोर्ला

1 अच्यनुपतिवा, दाक्पी चोवो येशू ख्रीष्ट फेपुप ताड दाक्पु खोला ठेतुपला मुला राड जोम्बुप कोर्ला ड्यिराड ख्यिराडला गोड्बा शोयी।

2 ललाइ लुड्तेम्बा याड्ना ताम्डे याड्ना ललाइ यिकी नेसुर चोवो फेपुप तुजे वा वे सिक्क्यासिन ख्यिराड पप साड माकी, यर्मिन मर्मिन साड माडो।

3 सी साड ख्यिराडला काडग्गी थोक्ला साड जिनोक जोनी मुल्शी। च्यिलासिसिन गोमाला कोन्छ्योककी तेन्दोकला लङ्गुप मी दिक्छेनतिवा बडी बुङ्गुप ताड ना तोड गोवु दुक्टाकी गिपा माथेन्दा सेक्ला ती तुजे ति मेवी।

4 ती ना तोड्गुप दुक्टाकी गिपा तीकी मीतिवी सोवा देकुपला जोवु तेरी च्यालकतिवाला तेन्दुप ताड कोन्छ्योक दोके जोनी खो ज्यु वोतुप दासा चाड्माला देनी खुरूड राड कोन्छ्योक यिन सिनी खोकी तेन्दोकला लङ्गिगी।

5 ती ताम्डे ति ड ख्यिरा मुला वोतुप पेला नेज्युनी ख्यिराडला सिक्क्यावु मिन रो?

6 तन्दा ती दुक्टाकी गिपा ति क्येक्नी ज्याड वे सिस्स ति ख्यिराडला छ्या राड वे। ती दुक्टा ति खोरो तुजे छेसिमा गिवी।

7 ती छ्याकला वोतुप दुक्टाकी ओडकी मीतिवाला कोन्छ्योककी सुड इयेन मिज्यिवु लाका क्रियी राड वे। यिने कोन्छ्योककी पिताड तोड सिनी मासुडा सेक ती दुक्टाला क्येक्नी ज्योकुप मी तीकी ती दुक्टा तीला क्येक्नी राड ज्योकिवी।

8 ती दुक्टा तीला पि तोड्गुप पेला चोवो येशू दी जम्बुलिडला फेक्किवी। तमा खो फेवु पेला ग्यपुप वोसिर ताड खोकी उकी राड तीला ना तोड्गिगी।

9 ती दुक्टाकी गिपा ति शैतानकी ओड नेसुर बुङ्गुप पेला तीकी मीतिवाला मेटेड्बु वोतुप जिम्डुल ताड त ताड हलेवु लाकातिवा छ्या देन्दुप ताड

10 येशूला तेपा माक्क्यावु तप्की ना डोपतिवाला जिनोक छ्या तेन्गिगी। च्यिलासिसिन दाक्पुला मिजी नङ्गुप टेड्बु वोतुप कोन्छ्योकला तिगी सेमला मालावु तप्की यिन।

11 तुक क्यानी तिवा जिनोक जोवु ताम्डेला तेपा किशी सिनी कोन्छ्योककी तिगी सेम ति दुक्टाला राड तेपा कितुपला पिताड ताड्सुड।

12 तमा टेड्बु वोतुप कोन्छयोकला तेपा माक्यानी मेटेड्बुला गा कितुपतिवा तेरीला खोकी क्येन तेर्किवी।

डेकला देतुप कोर्ला टोङ्गु

13 यिने चोवोकी डियेङ्ज्येवु अच्युनुपतिवा, खियरा थोक्ला कोन्छयोकला डियेराड नरी थुचिछे बुलिन। च्यिलासिसिन कोन्छयोककी गोमा नेज्यु खियराडला खोकी थु चाड्मा नेमा चाड्मा जो नङ्गुपला ताड कोन्छयोक टेड्बुला तेपा क्यानी शेष ने र्होकुपला खोकी पेन नङ्गुप तप्की यिन।

14 तीकी थोक्ला राड डियेरा खियराडला ख्याप्टाक क्यावु लेन ल्यामु नेसुर दाक्पी येशू ख्रीष्टकी मोवा थोपुपला खोकी खियराडला कताड नङ्गुप यिन।

15 ती तप्की अच्युनुपतिवा, तेपा रम्बु क्यानी डियेरा ख्याप्टाक क्यावु सुड याङ्ना डियेरा तङ्गुप यिकी नेसुर खियराडला इयेतुप येन्देनला युसा।

16 तमा दाक्पुला डियेङ्ज्ये क्या नङ्गुप ताड खोकी कटिन नेसुर नरीकी थोक्ला टोङ्गु ताड रेवा ल्यामु नङ्गुप दाक्पी पपा कोन्छयोक ताड चोवो येशू ख्रीष्टकी

17 खियरा सेमला लोदिमु नङ्गी, तमा तेरी लाका ताड तामडे ल्यामु कितुपला खियराडला रम्बु जो नङ्गी।

3

मोपोर कितुप कोर्ला

1 त तेरी सिनाड तिङ्ला अच्युनुपतिवा, डियेरा थोक्ला मोपोर किसान। कोन्छयोककी लेन ल्यामु ति खियरा पर्ला टम्बुप दोके टिम्बु क्यानी टम्शी, तमा दासा तेरीकी मीतिवी ताङ्देन क्यानी इयेन्शी,

2 तमा सेम मेलोवा ताड दुक्टा वोतुप मीतिवा नेसुर दाक्पु पे थुप्शी। च्यिलासिसिन तेरी मीतिवा कोन्छयोकला तेपा क्यावु मे।

3 यिने चोवो याड खोङ्तेर्मु वोतुप चोवो यिन्दुप तप्की खोकी खियराडला नरी रम्बु जो नङ्गीवी, तमा दुक्टा नेसुर र्होकिवी।

4 डियेरा खियराडला काड की सिक्वावे, ती ति खियरा कियी साड वे, ती लाका ति तिङ्ला साड किवी सिनी डियेराडला छासे तेन्तेन वे।

5 कोन्छयोककी खिराडला चुक क्यानी डियेड्ज्ये क्या नङ्गुप ताड ख्रीष्टकी चो छेटाड ख्येल्सिनाड हम क्या देतुप ति खिरा सेमला ल्यामो क्यानी हाक्कोवुला गोमा किशी।

छेरा कितुपतिवाला टोङ्गु

6 अच्युनुपतिवा, दाक्पी चोवो येशू ख्रीष्टकी मिडला डियराड खिराडला टोङ्गु तेरिन। छेरा कितुप ताड डियरा सिक्वावु येन्देन मेड्येन्दुपतिवा तेरी नेसुर कुतुक दे।

7 च्यिलासिसिन डियरा काड क्यावे, खिरा साड तुकै राड क्यानी डियरा लमु से गोकिवी सिस्म ति खिराडला छ्या राड वे। खिरा मुला वोतुप पेला डियरा छेरा माक्या,

8 सी समा साड तुक राड मासो, यिने खिराडला कले मेख्येल्शी नोनी ड्यी ताड नुज्या हुर्ताक क्यानी रडगी टेमु क्यानी लाका क्यायी।

9 डियराडला खिराड नेसुर दाल्जा ड्येतुप ओड मेतुप याड मिन, यिन्सिनाड खिरा डियरा क्यावु दोके क्यानी डियरा लमु से गोकिवी सिस्म ति खिराडला हाक्कोशी सिनी डियरा तुक क्यावु यिन।

10 च्यिलासिसिन डियराड खिरा मुला वोतुप पेला “सी लाका मिकिवे, तीकी समा साड मासाशी।” सिनी खिराडला टोङ्गु बिन्दुप यिन।

11 यिने खिरा पर्ला माड्शोक मीतिवा छेरा क्यानी लाका मिकिवु ताड मी यम्बी क्यावु लाकाला तोक्सा छोकुप लाका किनोक सिस्म ति डियरे थोसुड।

12 तिवाला डियराड चोवो येशू ख्रीष्टकी मिडला क ताड टोङ्गु तेरिन। तिवा खरक्पा सोक सोके देनी दाक दाक्पी लाका क्यानी सशी।

13 अच्युनुपतिवा, खिराड ति लाका ल्यामु कितुपला यिछ्येता माकी।

14 सी दी डियरा तङ्गुप यिकीला टिवु ताम्डे ति मेड्येन्वे, तुका मीतिवा ल्यामो क्यानी डो शेनी ज्योक। तिवी मुला तम्जी साड माजो। तमा तिवा डोछाला ख्येल्शी।

15 यिन्सिनाड तिवाला डला माजो, यिने रडगी नुपला दोके क्यानी टोङ्गु बिन।

तेरी सिनाड तिङ्मी मोलाम

16 त लोदिमु वोतुप चोवोकी खिराडला चो पेला कनी गल्सिनाड नरी लोदिमु नड्शी। तमा खो नरी खिरा तेरीकी मुला राड ज्युशी।

17 दी यिकी ति ड पावलकी राड टिक च्यिनी तङ्गुप यिनो। दी तेरी सिनाड तिङ्ला टसी देलेक सिनी टिवु ति दी यिकी डे राड तङ्गुप यिन सिनी ख्यिराड्ला हाक्को ज्यितुपला डरा लाक्पी राड टिवु यिनो।

18 दाक्पी चोवो येशू ख्रीष्टकी कटिन ति ख्यिराड तेरीला थोप्शी।

कोन्छ्योककी सुड

Sherpa: कोन्छ्योककी सुड New Testament

copyright © 2014 Wycliffe Bible Translators, Inc.

Language: (Sherpa)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source files
dated 29 Jan 2022

b834b297-b0c6-512e-bce6-f4d9b41b94be